

Kas aug, vuo kas mažie

Netuolėj nu Naujuosės Akmenės ĩr tuoks kalns, Luokava vadėnams. Netuolėj anuo ĩr mona gimtas vėitas, dieltuo apie tou kalna eso daug girdiejusi.

Vėsa vaikĩstė pasakujė mums, ka tèn vaidenas, ka tèn laumės gĩven, vuo pačiuo kalna vėršũnie ĩr dėdėlė skĩlie, pro katrou pats vels gal išlĩstė. Vuo kumet tèn nuvažioudavuum, šiurpulė par kũna biegdava. Baisė jau didilis i baisos tas kalns atruodĩdava.

Biega metā, augau aš. Užaugau dėdėlė, i viel nuvažiuojam mes pri Luokavas kalna. Vuo ons jau nebaisos i vėsā nedidelis beatruoda. Tumet supratau, kad žmuonis gĩvenimė aug i didie, vuo kalnā traukas i mažie.